

餘志卷末

子目

餘志敘

異聞

雌雄變化

宿冤

轉生

善詈

兩童

虐妻業報

虐媳

莊河縣志

餘志卷末

子目

一

莊河永源書局印

雷殛

魔壓

異胎一

異胎二

異胎三

不男

天雨錢

龍降

陰陽易地

盲報

償債

捉蟹

朱仙姑

跋

莊河縣志

餘志卷末

子目

二

莊河永源書局印

餘志敘

從來邪不勝正偽不亂真先王之道真正而已矣真正而外皆爲左道故怪力亂神聖人不語邪說僻行賢者必拒此理之常確乎不易者也然天下事往往有出乎常之外者如皆以邪僞目之國家將興何以必有禎祥國家將亡何以必有妖孽可知荒誕不經駭人聽聞之說不能以爲必有亦不能以爲必無餘志之意旨其以此夫

莊河縣志

餘志卷末

敘

三

莊河永源書局印

異聞

雌雄變化

劉滋楷模階

余親過孫某家畜一雌雞生卵者已逾二年後忽聞其司晨之鳴家人共訝曰此殆欲雄飛乎數日竟生冠漸而生尾漸而不復誕育蓋已化一雄雞矣又城南同善社姜乾一者原居南船塢龍王廟院中代司香火民國十年人有餽以雌雞者姜素戒殺以故畜之數稔至二十年忽冠而鳴則儼然一雄矣一時往觀者莫不驚異然以雌化雄亦生理之變態耳錄此以供生物學家之研究

宿冤

前人

鄉民某甲臘月十八日娶婦至次年正月十四日其婦至親家躲燈者里俗凡新娶之婦至次年上元不得在夫家過節必被所親邀去至十七日送回此舊

莊河縣志

餘志卷末

異聞

四

莊河永源書局印

習相沿未詳其何所自也惟某婦去後其夫遽於十五日踵至親家欲攜婦回衆訝其不經事力阻之其婦遂於十七日歸初入室夫突以鐵鍬暴擊之斃舉室惶錯既而夫呆視良久忽驚泣曰是吾婦耶吾始入室時未曾見吾婦惟覩一怪物而斃之不虞竟至於此也衆亦以其平日夫婦燕婉毫無罅隙且綢繆未及一月斷不致有此不情殆此婦過去生中負彼之命歟不然何奇變如此也此清光緒十六年事後其夫以誤殺下岫巖州獄三年始出

轉生

前人

旗竿底屯宋家叟居臥病忽恍惚迷離不知身入何境而張目諦視覺軟體蠕蠕竟臥其從姪婦之衾中驚惶漸慙遂閉目急遁及醒則家人繞榻坐守言暈絕已移時矣因向其妻備述前狀妻徑往從姪家窺探其姪婦蓋是日分娩生

兒即死啼痕尙滿面也

善詈

前人

大鄭家屯有孫呂氏一再醮婦也平生最喜詈人稍不如意輒詛咒不絕口尤多妄語凡與之有隙者靡不遭其污讟人戲以走無常呼之謂其捉風捕影妖妄莫測也後至晚年了無他疾忽自嚼其舌潰爛脹腫絕水漿者數日而歿此媪乃余前妻之同族

兩童

前人

有林某者與族弟啓業比戶而居啓業有孫六歲染疾一日曉起兒之父母見牀下伏兩小童遇人輒起兩童共曳一繩各執一端而行兒父突以手攬之覺其繩茸茸有毛方錯愕間童與繩俱滅跡矣是日兒遂殤而林某有幼女已先二日而歿究不知其何異也

## 莊河縣志

餘志卷末

異聞

五

莊河永源書局印

虐妻業報

前人

半拉山子鄭甲本農家子而虐待其妻妻初爲童養媳及成婚數載竟鬱鬱以歿年僅二十鄭復娶張氏爲繼室婚甫數夕張氏夜夢一婦舉手向其足怒擊之悻悻而言曰吾讐復矣驚悸而悟被擊之足遂脹腫作痛青痕宛然並脛膝亦覺刺促如被重傷其夫詢夢中所見之狀知爲前妻作祟張氏以是竟成癆瘵臥床不起矣時方十月至次年四月而逝

虐媳

前人

某媪姑隱其姓氏有童養媳尙未上頭（吾鄉謂養媳初婚爲上頭）媪恆虐視之一日媪於院中曝有裏足帛二條忽然失去疑爲媳所竊痛扑數四媳因

是鬱鬱死死之日家畜一牛亦斃衆將啖其肉剖解時見媪之雙行纏竟在牛腹中蓋其布用粉漿出晒牛已嗅其漿而食之也而養媳之冤始白

雷殛

前人

去余家四十五里曰盧家屯有盧某者年五十有二五月間至松樹嘴耕地距其居約二三里是日之午天忽雷雨逾時而晴家人午餐待盧未歸遣其子往迎之則見盧端跪田間被雷殛死身首無傷惟左眼角有破痕而牛與犁則依然俱在也衆往覘之其子急昇之回不知其何愆至此相傳盧某賣糧小米恆攙以沙青豆恆潤以水且其二弟聘呂氏女未婚而童養之及女年十六竟休而去之母家已遷邊北相去千里困而逼之卒至離異復娶李氏又爲家人所惡百計陵虐致婦自縊然則因果之理不必於前世求之矣當盧遭天譴時隣

## 莊河縣志

餘志卷末

異聞

六

莊河永源書局印

村俱見火毬繞其左右霹靂一聲盧死而天遂霽時盧之鄰婦孫于氏年三五歲當天雨時正提抱幼兒倚於後門忽見東北雲天劃然兩扇如俗所謂闢天門者旋有火毬自空而下于氏怖急閉門引避意其所見殆即雷門歟

魔壓

前人

清光緒元年春邢家屯周某在余家傭工年已五旬一日晨起日尙未出突見門之西北偏屋角一赤面大漢挺立牆側高於檐際周驚避而入室便覺不適遂臥床上昏不識人衆見其目合齒閉四肢冰冷捫之已僵差類尸厥惟胸前有溫氣一縷耳先大父風南公令人取藥急救之良久始甦衆詢以臥床之狀恍如睡夢都不省憶

異胎一

前人

余前妻族嫂孫許氏年三十一妊娠數月常不思飲食其胎每一轉側即覺腹中茸茸然令人作癢與舊孕迥異每述於其姑至翌年清明日忽產一物差類猿形身首俱茸茸有毛一目生於頂上口尖齒白一腿一足呼吸有氣呶呶有聲其孀姑時爲收生驚悸卻立失聲呼人其父孫某至遂以鐵鍬斃之埋於牆外此光緒九年二月二十八日事也

### 異胎二

碧流河附近居民趙甲娶半拉山子潘氏女年二十四初受孕覺其胎攤軟異常及分娩有期收生媪日夜陪侍卒不能誕一日明燈時媪在別室晚餐婦獨眠床上似睡非睡覺鼻中涼氣沁人如有物由鼻孔出張目諦視仍無所見急捫其腹空如蟬蛻矣驚駭間呼家人入視則見窗紙洞穿約有寸許之圓孔其孔只可容蛇或意其物脫胎而竄歟第虛擬之談非可信也後數年婦亦夭逝婦爲余前妻族祖母孫潘氏之四妹故得其詳云

### 異胎三

去莊西二十餘里曰黃瓜嘴子居民李榮華之妻生二男二女皆失明故鄉里稱李氏四盲兒惟李婦第五孕時腹脹異常及分娩生塔泥魚數尾一大餘俱小口噓尾搖鰭芒宛然與生於水者無或差異家人以爲此魚之孕未戕人命人亦不宜戕其命莫如放之以遂其生遂盛之筐拋於海皆悠然而逝其中大魚忽立於波面回顧數四若謝其送之者及去半里許猶回顧如初移時始沈而李氏夫婦遂終身不食塔泥魚矣此清道咸間事也

### 不男

## 莊河縣志

餘志卷末

異聞

七

莊河永源書局印

周禮有不男之訟言不能御女也患此疾者今亦有之莊之南曰船塢有孫廷梧者止生一子年已十九身體侏儒猶似十四五之童子夏日浴於海濱人見其下體約五分許其溺垂垂而注如婦女焉冬夏皆著開襟褲以便小遺否則汚及胯際矣

### 天雨錢

先祖風南公印宗舜嘗言其年逾弱冠時在大莊河西涯祭田中以竹爬擁地下餘草時值黃昏聞空中有聲如風之鼓動銅器者然先祖急以竹爬仰天刷之詎一揮之頃覺空際鏗鏗錚錚若被擊而墜地者驚視之則金錢纍纍也拾之而歸計二百餘枚其錢文俱鐫清朝年號與市商通行者無異當時詢之黃髮老翁或曰此錢龍過也楷曩閱韻譜羣芳一書中載天雨孝子黃某金錢其隣人得之悉化爲土觀者或疑其無據今以先祖之事論之則信而有徵矣謹誌之以新人耳目

### 龍降

荷花山某氏婦生女未彌月便至河岸澣衣時值盛夏天忽陰雲微雨數點婦聞空中有怒濤駭浪之聲如海嘯者然錯愕間以其褲向天空揮之適有龍捲水而上突爲婦不潔所厭不得飛昇尾垂丈許其身首俱在雲際蜿蜒拳曲將及一月後墜地一鱗其大如箕中有蛆出僧道爲之誦經祈禱一日大雷雨騰空而去而某婦歸家輒疾作不半月而歿矣婦固未見龍之捲水揮褲亦自無心至於病歿則存乎修短之數豈龍所爲歟余前妻長姑母欒孫氏之長女孫李氏居歪頭磊子去荷花山不遠聞其所述如此姑記之以爲輕疏失檢者戒

## 莊河縣志

餘志卷末

異聞

八

莊河永源書局印

陰陽易地

寇迺榮寄塵

治城東北福寧村之萊茅溝爲余族所居余宅適築佔唐代高氏墓地墓中士英士傑因崇余先大父時年十六蓋一塾童耳病類邪魔幾及年餘巫醫俱已束手久之遂附病人語家人以故且囑筵請地方士紳以爲中調家人如其言席間仍附病人與中人開談判蓋士英爲兄意主讓士傑爲弟意主爭調停之結果卒從其兄之讓以地易地遂指示宅後墓所堀之果得五罈述明昭穆令移葬於余家東山麓士英復認先大父爲義子要求立碑奉祀兄弟各成詩一首命刻碑陰家人俱允遵辦病遂霍然若失而余家自是春秋祭掃迄今不衰詩蓋附病人一揮立就者焉茲錄其詩如後

其一

## 莊河縣志

餘志卷末

異聞

九

莊河永源書局印

高士傑自咏曰愚生唐代君生清陽壓陰間理不平本欲折磨治伊斃怕將衰朽失令名雖超昔日爭田事休比中天讓國情吟罷未知合律否是非加減待仁兄

其二

高士英和前曰勸君何必治書生拋卻前程思後程虞芮當年失厚誼夷齊千載頌休聲舜承社稷成勳業堯讓江山得顯名賢弟於今咏樂土可憐義子看愚兄

盲報

前人

清光緒三十三年七月余家嶺西二里許坡子屯于某夜守瓜田爲人擊斃時方酷暑鄉會以鹽二斗覆其屍以待官驗驗畢收屍其鹽即委棄於地矣鄰近

有王某者素以肩挑販魚爲生利鹽之多拾而擔至高嶺後盡以售之嶺後距屍場二十里許故人未之知也王自售鹽後月餘忽雙目劇痛而盲人戲問其何以喪明得非售屍鹽遭天譴耶初尙赧赧然不知所答久之自語人曰余傷天理矣蓋有痛自悔恨之意云

### 償債

前人

寇陞余之族祖也業農而嗜賭賭友孫嘉利貸其制錢百四十吊逾一年矣時甲午之亂潰兵過境肆行姦掠地方起團練會以爲之防有捕之者輒就地以斃孫與三五賭友適盤遊棒槌溝處竟爲屯會所獲斃而焚其屍寇陞聞之曰嘉利死吾債消矣自是置諸度外不復憶念越三年方春耕時一夜熟寢見嘉利揖而前曰吾來償債也寇唯初不知其已死及寤則一夢也時已夜分輾轉疑思不成寐遲明而起見廐中牝馬竟產一駒駒肥而俊且壯長一年高四尺矣余內兄郭福江見而大悅願以六十洋得之購妥牽以歸月餘而駒死此寇陞所自道計六十洋恰符歷年本息之數云

### 捉蟹

王仲泮香芹

城東南百二十里之木耳山潮溝崖有呂天德者居濱海業漁以捉蟹爲能且以爲常一日復循石罅行捉突遇一赤甲健螯之大肥蟹方入手蟹螯乃鉗其左腕堅不爲釋呂痛極而撐拒驚急間忽潮流逼來沒其腰將滅頂而腕莫能脫自分必死遂痛哭乞哀跪石指天而誓曰蟹爺釋我願終身不復捉矣蟹竟鬆其螯而釋之呂喜其獲慶更甦乃盡舍網中旣得之小蟹放之於水狂奔而歸此清光緒十五年七月事也

## 莊河縣志

餘志卷末

異聞

十

莊河永源書局印

朱仙姑

前人

朱仙真人呼仙姑四區朱家窪人也年十八時適於端節早餐只啖一糲母命赴園掘葱返室後臥床酣睡及醒與之食不食與之飲不飲僅吸煙葉半月始飲白水一二匙自是每日或數日輒食金丸一枚不知其何自來也惟紡績操作如常言笑動止如常容貌之潤枯仍如常家人恆於夜半微聞其自語曰願削髮爲尼不嫁狄子蓋仙姑幼字於三區沙河大屯之狄姓子也迨及笄年狄姓擇吉來迎不挽髮亦不新衣迎女客催之乃便衣登輿至夫家降輿時昏絕不省人事半月內惟隱几臥不與夫寢遂由夫家送回三日不言亦不語越三日則如舊矣乃持志修行非善人不與語如是者四十年今六十有七歲猶健爽如壯民國十六年就復縣白雲山出家地方紳衿士女爲之化緣修廟已築三座計二十五楹內祀關岳玉皇海神十大明醫而治病尤有奇驗從之修行者男女約十六七人其修工之委人監視指示俱如神授而服制則自畫以伏羲八卦仙姑以清同治戊辰年生至天運甲戌適爲六十有七云

莊河縣志

餘志卷末

異聞

十一

莊河永源書局印

跋

志書之修有創卽必有因創者固難因亦不易我莊縣志之修創於黔南廖公  
錢如於民國八年召集邑內士紳調查編輯洎十年李公薪淵督集續修志書  
於是告竣付梓經二公之流覽披閱與諸君之詳審採訪考文徵實俾臻美備  
似乎無容擬議矣然政有沿革事多變遷由今溯昔已歷數年之久其間事事  
物物或宜於古不宜於今或錄其精而忘其細遺漏簡略有待於增損者甚多  
大府有鑒於斯所以下函衡茅而有促成續修之舉不才濫竽其中拾遺補闕  
集思廣益缺者益之略者詳之傳訛者更正之閱三月而告成恐擇焉未精語  
焉未詳謬誤罣漏或蹈一誤再誤之咎竊望後之覽者正其失而繩其愆則幸  
矣

莊河縣志

餘志卷末

跋

十二

莊河永源書局印

康德元年八月三十日副貢生李屬春謹跋